

IOANNES
PAVLVS
PP. II

*Servus Servorum Dei
ad perpetuam rei memoriam.*

*~ Ut filii lucis ambulate ~ Eph 5, 8.
Beatus Petrus a S. Iosepho Be-
tancur, cum maxime optaret ut
lucis fides in Novae Continentis
gentes deferretur, in divinae Pro-
videntiae fiducia inconcusse ni-
sus, Atlanticum oceanum tran-
siit, ut illis incolis salutarem Chri-
sti nuntium comportaret, qui ve-*

ra est lux quae illuminat cunctos homines, cfr Jo 1, 9, quique eos sibi sociari vult. Dei Servus & Ninguariae, quae una est e septem Fortunatis insulis, anno MDCXXVI ex humili juaque domo ortus est. Puer et adulescens parentes in agrorum operibus iuvit atque aetatis ex primis temporibus in precandi studium liquide se inclinabat. Cum deteriores conditiones cognosceret in quibus Americae incolae versabantur, illuc accedere voluit eorum aerumnas levaturus itemque Evangelii Nuntium cum iis communicaturus. XXIII annos natus profectus est: primum Cubam adiit, tum Honduriam, tum denique Guatimalam. Se impelli sensit ad sacerdotium adipiscendum, atque spiritalis moderatoris suasu necessaria studia sibi sumpsit. Humilis et in pietatis exercitia intentus ceterorum discipulorum sibi conciliavit aesti-

mationem. Illo tempore ad solamen aegrotis ferendum valetudinaria adire solebat. Licet animum in humanas disciplinas intenderet, ea quae sperabat non obtinuit ideoque a sacerdotii suscipiendi proposito recedere debuit, at non concidit animo. Precationes magis frequentavit, ut intellegeret ad quem vitae statum a Domino vocaretur. Vocationem animadvertens ad vitam suam Christo consecrandam, mense Januario anni MDCLV uti laicus Tertium Ordinem Franciscalem ingressus est, quam vitae operumque sanctitate collustravit. In Calvariae Sanctuarium se recessit, ubi aeditui officium gessit. Ut religionis ignorationem cognovit inibi incolarum potissimum puerorum, catechetica institutionem eis comparavit. Eodem tempore pauperum condicionibus sublevandis operam dedit, divites adhortans ut quaedam eorum bo-

norum pars indigentibus destinaretur.
Anno MDCLVIII domum constituit quan-
dam quae catechesis esset sedes pueris
desertis, locus peregrinis discipulis recipi-
endis, domicilium pauperibus valetudi-
nem recuperantibus. Socios quoque in
hac opera adiutores quaesivit, quos faci-
le invenit, cum eius vitae mos eloquentior
esset quam quodvis verbum, et omnes qui
ad eum accedebant ad colendam horta-
batur virtutem. Primo ex hoc manipulo,
Ordinem Bethleemitam condidit, cuius
sodales apostolicis muneribus agendis se
tradebant ac simul precationis ac pae-
nitentiae operi. Haec nova sodalium
familia, mortuo Beato, ab ecclesiastica
potestate est comprobata. Dei voluntati
obsequens suaeque vocationi fidelis in
sanctimoniae semitis magis ac magis
est progressus, altum in virtutum exerci-
tio obtinens sanctitatis gradum. Ex con-


tinuata ferventique precatione vim haurit fidem erga Deum Patrem, Filium et Spiritum Sanctum usque testificandi. Suam spiritalem vitam per Incarnationis Passionisque Domini & Nostri mysteriorum contemplationem aluit. Virginis Sanctissimae tutelae cunctam suam operam commisit, qui, ut popularem devotionem in Virginem Mariam augetet, piam Rosarii recitandi consuetudinem aliasque Mariales preces inculcavit. Quamvis materialibus facultatibus careret, socialia et onerosa incepta Providentia innitens suscepit. In Deum dilectio eum in missionarium famulatum compulit, cum cunctam vitam Christi Regno effundendo commodaret. De spiritali fidelium salute sollicitus, adulescentes in christiana doctrina instituendos curavit itemque morituros, quibus aeternae beatitudinis spem demonstrabat, omnibus

viribus suis sublevavit. Vias locaque decurrit, ut aerumnas omneque genus miseras leniret. Pupilli, captivi, mendici, infirmi ac peregrini ipsius fruebantur operibus. Homines qui eum conveniebant auxilia consiliaque petituri prudenter ac sagaciter direxit. Se omnibus aequum praebuit atque Ecclesiae leges sui que Ordinis regulas servavit. Perseveranter ac prudenter opera perfecit quae Dominus suadebat, omnibus neglectis impedimentis. Parcus cibi potionisque, necessariam tantum corpori concessit quietem ac voluptates asperam per poenitentiam cohibuit. Nullum sibi sed Deo uni tribuit de suorum operum prosperitate meritum. Evangelica consilia studiose tenuit atque in omnibus rerum adiunctis verum se exhibuit Sancti Francisci Assisiensis filium discipulumque. Jeuniis confectus atque arteriarum pulmonumque inflammatione correptus

die XXV mensis Aprilis anno MDCLXVII,
sacramentis infirmorum susceptis, e vi-
ta cessit. Eius propter latam sanctita-
tis famam anno MDCXCIII Processus In-
formativus inchoatus est. His iure sta-
tutis perfectis rebus, die XXII mensis Ju-
nii anno MCMLXXX a Nobis sollemniter
Beati titulo est insignitus. Die VII mensis
Julii anno MMI a Nobis coram decretum
prodiit super miraculo. Faventibus Pa-
tribus Cardinalibus Episcopisque in Con-
sistorio die XXVI mensis Februarii anno
MMII coadunatis, statuimus ut canoniza-
tionis ritus in Guatimalensi urbe die XXX
sequentis mensis Julii ageretur. Hodie,
igitur apud urbem Guatimalensem, in-
ter sacra hanc elocuti sumus Canoniza-
tionis formulam: *En honor de la
Santísima Trinidad, para exal-
tación de la fe católica y creci-
miento de la vida cristiana, con*

la autoridad de nuestro Señor
Jesucristo, de los santos Apósto-
les Pedro y Pablo y Nuestra,
después de haber reflexionado lar-
gamente, invocado muchas veces
la ayuda divina y oído el pare-
cer de numerosos hermanos en el
episcopado, declaramos y defini-
mos Santo al Beato Hermano
Pedro de San José Betancur y
lo inscribimos en el Catálogo de
los Santos, y establecemos que en
toda la Iglesia sea devotamente
honrado entre los Santos. En el
nombre del Padre y del Hijo y
del Espíritu Santo. *Coram omni-
bus hominibus fulgens habetur exemplar
praeclarus hic vir, qui totam suam exegit
vitam ad Dei hominumque profectum na-
viter operando, qui que humilioris ordinis
potissimum dilexit cives atque inter ipsos*

continenter versatus est, salutifera Domini dona et Evangelii verba exhibens cunctis. Quod autem decrevimus volumus et nunc et in posterum vim habere, contrariis minime officientibus rebus quibuslibet nec nunc nec postea. Datum in urbe Guatimalensi, die tricesimo mensis Julii anno Domini bis millesimo altero, Pontificatus Nostri quarto et vicesimo.



Ego Joannes Paulus
Catholicae Ecclesiae Episcopus

Marcellus Rossetti, protos. ap. v.